



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. X. An & qualiter dispensari possit in impedimento ligaminis?

[urn:nbn:de:hbz:466:1-73058](#)

magna utilitas concernens bonum commune, etiam si non tendat proximè, ac immediatè in bonum commune; & ad hunc finem etiam imperatoris intercessio pro justa causa dispensandi deservire potest, ut liquet ex dispensatione Alexandri VIII. 1690. 14. Januar. cum Subdiacono magnæ familiae cæteroquin extinguedæ, ut habetur apud Vincent. de Justis in *cit. Appendic. n. 31.*

§. X.

An ē qualiter dispensari possit in impedimento ligaminis?

2162. Quæstio fieri potest solum circa matrimonia fidelium rato tantum, sed nondum consummata; in hoc impedimento complures sunt, qui negent, etiam summum Pontificem dispensare posse, quod sit juris divini, ut diximus suprà à n. 1621. Sententia tamen probabilissima est, Pontificem in his dispensare posse, ut soluto etiam conjugali vinculo validè, ac licet à taliter solutis matrimoniorum aliud iniri possit. de quo egimus à n. 1611. Non est dubium has dispensationes non facilè impetrari, nisi ob causas urgentes. Inter has autem causas numerant authores morbum contagiosum supervenientem, gravia scandala, magnam conjugum disparitatem, conjugum constantem averzionem ab invicem, conservationem pacis, vel magnæ familie, etatem conjugum adhuc teneram &c. de quibus de Justis l. 2. c. 10. à n. 21. ex P. Sanchez l. 2. d. 16. & alijs; quamvis aliqui censeant, ut diximus loc. cit. non requiri causam, quæ concernat bonum publicum. V. n. 1618. *in fine*.

2163. Ejusmodi dispensationem in matrimonio rato tantum, ut, eo quoad vinculum soluto, conjuges siant liberi ad aliud matrimonium, concedi etiam posse à majori pœnitentiaro, sed solum in occultis, docet Corradus l. 8. c. 7. n. 35. quem citat & sequitur de Justis l. 2. c. 10. n. 18. ubi numerenti exemplum talis dispensationis factæ refert cum muliere, quæ cuidam juveni nupsit, & matrimonio cum hoc non consummato, alteri præmissorum ignaro, cum quo consummavit suscepit prole, primo viro non amplius reperibili, & secundo matrimonio, nisi dispenfarentur, absque gravi periculo non continuabili.

Circa hoc impedimentum ligaminis not. cùm frequenter contingat, quod quidam, *ligati vinculo conjugij*, relicto suo conjuge, se transferant ad alias terras, ubi sint ignoti, & ibi se liberos, ac solitos mentientes, aut vinculum sui coniugi diffimulantes, aliud matrimonium facto scilicet ineant; per sacram Congregationem Generalis Inquisitionis de urbe anno 1637. omnibus locorum Ordinariis mandatum, ac interdictum esse, ne in suis civitatibus, ac diœcesis permittant fieri denuntiationes matrimoniorum, que contrahi deberent à Forensi, nisi Parochi, ad quem spectat matrimonio assistere, constet per authenticam fidem Ordinarij ipsorum Forensium, *de istorum statu liberis*, ipsi Ordinariis præscripta formâ, ut, antequam dicti statuti liberi fidem faciant, testes fide dignos examinent, qui ex certa scientia, statum liberum contrahere volentium affirment secundum tenorem instructionis pro hoc examine faciendo, data ab ipsa sacra Congregatione cit. quam refert de Justis *cit. l. 2. c. 9. n. 19.*

Unde not. 2. quando est casus necessitatis (ut si aliquis ex contrahere voluntibus sit in articulo mortis) non requiri, ut servetur præstatæ instructionis forma, item non patitur; esto, si infirmus convalesceret, aliud dicendum, antequam cohabitare permittantur; sic Corradus *sap. cit. l. 7. c. 6. n. 23.* dicens, sic declaratum ab ipsa sacra Congregatione. 2. Illam Ordinarij attestationem, ut jacet, non requiri pro Exteris, seu Forensibus, qui tempore adhuc non nubili discesserunt, & pervenerunt ad locum, ubi nunc contrahere volunt, si ibi continuò permanerunt. 3. Requirit tamen, licet tales Exteri per decem annos, & ultra, in tali loco, ubi contrahere volunt, domicilium acquisiverint, ut eorum liber status probeatur per testes fide dignos, tam originis, quam domicilii. 4. Esto unicam, vel plures uxores duxerint, ex quo ibi, ubi contrahere nullus exterus, mortuæ sint, nec post hoc à dicto loco recesserit. Verum propter multiplices difficultates, quæ nascuntur in oblevienda illa instructione, in plurimis Curiis etiam de consensu sacra Congregationis plurimum restricta est, ut notat de Justis *cit. l. 2. c. 9. n. 28.* & merito, praesertim quoad postrema duo. Unde in hoc

hoc servanda erunt, quæ usu dicebantur
in quolibet loco praescripta sunt.

§. X I.

An, & qualiter dispensari possit in im-
pedimento publice honestatis?

165. Etsi Ecclesia judicaverit ad iustitiam, & honestatem publicam, quæ servari debet in contrahendis matrimonij spectare, ne sponsus in uxorem habeat consanguineam sive sponsæ, vel haec in virum sui sponsi consanguineum, ac propterea, statuerit, ne inter personas, taliter propinquas, matrimonium validè contrahi possit sine Ecclesiæ dispensatione: cum tamen iuste frequenter causæ intervenire possint, qua illi bono, quod ceteroquin ex observantia illius iustitiae publicæ provenit, prevalent; non est dubium, in hoc impedimento, quod est juris tantum Ecclesiastici, ab Ecclesia dispensari posse. In supplicatione porrò pro impetranda dispensatione in hoc impedimento, expoundenda erit. 1. provenientia, nimirum a si ex sponsalibus solum de futuro, an de praesenti, seu matrimonio, rato tantum? hoc enim extendit se ad plures gradus, quam illud, ut constat ex dictis a n. 223, & illud est vinculum fortius isto, teste Corrado l. 3. c. 7. n. 23. Exponendum erit. 2. in quo gradu? si provenit ex sponsalibus de praesenti, seu matrimonio rato tantum; si autem ex sponsalibus de futuro, cum in hoc non extendatur ultra primum gradum ex dictis a n. cit. fatis erit dicere: Oratores laborare impedimento publice honestatis ex sponsalibus defuturo.

166. Unde not, ex sponsalibus de praesenti non consumimatis, atque adeo ex matrimonio rato tantum, non natu propriæ affinitatem, cuius ratio est ex eo, quod haec supponat copulan; sed tantum impedimentum publice honestatis, quod non admittit, ut unus sponorum in conjugem habeat alterius consanguineum; impræcipi tamen, etiam à dataria illam propinquitatem appellari affinitatem, sed solum inchoative, ut notat Corradus cit. l. 8. c. 7. n. 18. & seq.

167. Not. 2. quando inter Oratores est impedimentum affinitatis ex licita copula, non esse necessariam specificam mentionem impedimenti publicæ honestatis, esto

inter ipsos natum sit; quia declarando, quod velit accipere illam, quæ sui consanguinei prius uxor fuit, sufficienter exponitur impedimentum publica honestatis; nam si fuit uxor, fuit etiam ejus sponsa; secundum tamen est, si concurrat cum affinitate ex copula fornicaria; ut, si orator velit ducere mulierem, sponsam fratri defuncti, ante matrimonium ab ipso cognitam; ita Sanchez l. 8. d. 24. a n. 36. quia talis affinitas illegitima non infert fuisse inter eam mulierem, & defunctum sponsalia.

Not. 3. in explicacione graduum, 2168. quando sunt in linea inæquali, sufficere, quod exponatur gradus remotior, qui constituit impedimentum, etiam omisso propinquiori, qui non constituit impedimentum in distantibus inæqualiter. Nam esto Pius V. (ut notavimus supra) voluerit explicari primum gradum, quando distat inæqualiter oratores v. g. in primo & secundo; vel primo & tertio, aut quarto: loquitur tamen solum de impedimento consanguinitatis & affinitatis; non autem alio, consequenter casus iste, relinquit sub dispositione juris communis, vi cuius sufficit sola expressio gradus dispensandi, nimirum remotioris inter inæqualiter distantes ex n. 2140. ita Corradus l. 8. c. 7. n. 24. & san.

Et quamvis aliqui existimant, quod saltem in casu distantium inæqualiter v. g. in secundo & tertio, vel quarto gradu affinitatis, aut consanguinitatis, etiam exponi debeat gradus propinquior, quando persona in gradu propinquiori respectu distantioris haberet rationem reverentie ab hac sibi debitæ v. g. soror avie respectu inferioris, ut notavimus supra. id tamen in praesenti casu necessarium non videtur; cum nec primus gradus sit de necessitate exponentius, ut dictum est.

Not. 4. et si juxta complures, de quibus 2169. diximus a n. 206. ex sponsalibus de futuro, mutuo consensu dissolutis, non remaneat hoc impedimentum; si tamen Oratores, secuti sententiam contrariam peterent in eo dispensari, si non de necessitate, saltem ad facilitandam dispensationem, exponendum esse, quod proveniat ex sponsalibus, mutuo consensu rursum solutis, ut docet Corradus cit. n. 25. qui etiam notat n. 22. ex stylo communiter exprimi,